



Republika e Kosovës – Republika Kosova
Paneli Zgjedhor për Ankesa dhe Parashtrësia
Izborni Panel za Žalbe i Predstavke

Anr. 1018/2021

Paneli Zgjedhor për Ankesa dhe Parashtrësia (PZAP), i përbërë nga gjyqtaret: Zyhdi Haziri kryesues, Adnan Konushevcu dhe Rustem Thaqi anëtar, duke vendosur përkritazi me apelin e kandidatit për anëtarë të Kuvendit Komunal në Komunën e Vushtrrisë, Faton Shabani nga Subjekti Politik Lëvizja Vetëvendosje (LVV), dega në Komunën e Vushtrrisë, paraqitur kundër vendimit me numër 2948-2021 të datës 03.11.2021 të Komisionit Qendror të Zgjedhjeve (KQZ), për Shpalljen e Rezultateve Përfundimtare për Zgjedhjet Lokale 2021 për Kuvendin Komunal, në seancën e panelit të mbajtur më datë 07.11.2021, mori këtë:

V E N D I M

REFUZOHET i pabazuar apeli Anr.1018/2021 i datës 04.11.2021, i paraqitur nga kandidati për anëtarë të Kuvendit Komunal në Komunën e Vushtrrisë, Faton Shabani, nga Subjekti Politik Lëvizja Vetëvendosje (LVV), dega në Vushtrri, kundër vendimit Nr.2948/2021 të datës 03.11.2021, të Komisionit Qendror të Zgjedhjeve (KQZ), me seli në Prishtinë, për Kuvendin Komunal, për shpalljen e rezultatit përfundimtar, me të cilën ka kërkuar që të rinumërohen votat në Vendvotimet; 2731B/01R, 2731B/02D, 2709B/01R, 2709B/02R, 2709B/03D, 2717B/01R, 2717B/02R, 2720B/01R, 2720B/02D, 2702B/01R, 2702B/03R, 2702B/04R, 2702X/02R, 2702x/04R, 2712B/02R, 2712B/03D

A r s y e t i m

PZAP-i, ka pranuar apelin me datën 04.11.2021 nga anëtari për Kuvend Komunal në Komunën e Vushtrrisë, Faton Shabani nga Subjekti Politik Lëvizja Vetëvendosje (LVV), dega në Komunën e Vushtrrisë, me të cilën pretendon se në Vendvotimet 2731B/01R, 2731B/02D, 2709B/01R, 2709B/02R, 2709B/03D, 2717B/01R, 2717B/02R, 2720B/01R, 2720B/02D, 2702B/01R, 2702B/03R, 2702B/04R, 2702X/02R, 2702x/04R, 2712B/02R, 2712B/03D i mungojnë votat e familjarëve nga lidhje gjaku, shokët dhe shoqet e tij të cilët e kanë votuar kandidaturën e tij. Parashtruesi i apelit kërkon nga PZAP-i që ti shqyrtohet ankesa e tij dhe të ketë përgjigje pozitive.

Parashtruesi i apelit në cilsa të provës ka bashkangjitur materialet

PZAP-i, pasi që shqyrtoi apelin, vlerësoi se:

Apeli është i pabazuar

Paneli, vlerëson se parashtruesi i apelit në mbështetje të pretendimeve të tij, nuk ka ofruar dëshmi të qarta dhe bindëse lidhur me shkeljet e supozuara për mospërputhje të rezultateve, edhe pse në kuptim të nenit 117 paragrafi 3 të LZP-së, barra e të provuarit bie mbi ankuesin,

në rastin konkret, paneli, nuk mundi të konstatoj se ka pasur mos përfshirje të votave të parashtruesit të apelit gjatë numërimit të votave, për faktin se thëniet e tij nuk mbështeten në asnjë provë konkrete por janë të përgjithshme e jo të konkretizuara, sepse pritet e ankuesit për të marrë më shumë vota automatikisht nuk nënkupton se ka mos përfshirje të saktë votave në rezultat përfundimtar, si dhe llogaritja matematikore nga ana e ankuesit nuk argumenton shkeljet e pretenduara në apel.

Paneli i shqyrtoi Formularët e bashkangjitur në apel nga ana e ankuesit, mirëpo gjeti se të njëjtit nuk janë bazë e mjaftueshme për të kolauduar se në këto vendvotime ka pasur parregullsi, rrjedhimisht pretendimi ankimor i parashtruesit të apelit se apelin e mbështet në pohimet e familjarëve dhe miqve të tij nuk është i argumentuar, për më tepër, paneli rikujton se vota është e fshehur, dhe publikimi i saj shpërfaq vullnetin e çdo votuesi në fletëvotim që është në kundërshtim me parimin kushtetues të fshehtësisë së votës, dhe në asnjë mënyrë nuk mund të merret si fakt provues pretendimi i tillë se një votues pohon faktin se ka votuar në ndonjërin nga vendvotimet që kandidati ka pretenduar në apel. Në rastin konkret apeluasi nuk ka paraqitur asnjë provë tjetër pos Formularëve të Përputhjes së Rezultateve dhe Formularët e Rezultateve të Kandidatëve, duke mos bashkangjitur asnjë deklaratë e cila do shërbente si provë, andaj në mungesë të provave paneli vendosi që apeli i paraqitur të refuzohet si i pa bazuar.

Si përfundim, Paneli vlerësoi se apeli i Faton Shabanit, kandidat për Kuvend të Komunës së Vushtrrisë, nga radhët e Subjektit Politik Lëvizja Vetëvendosje (LVV), dega Vushtri, nuk është bazuar në dëshmi të qarta dhe bindëse ashtu siç përcaktohet në nenin 117 par.3, të LZP-së, pasi që nga shkresat e lëndës nuk mund të vërtetohet se ka ndodhur ndonjë shkelje gjatë numërimit të votave për kandidat, andaj kërkesa e apeluasi për të rinumëruar të gjitha fletëvotimet e kandidatëve për kuvend komunal në Komunën e Vushtrrisë, vlerësohet si i pa bazuar. Shkaqet për rinumërimin e plotë të gjitha fletëvotimeve në VV e cekura më lart, sipas vlerësimit të panelit do duhej të jenë shumë serioze dhe bindëse, si dhe të rezultojnë nga provat e mjaftueshme, bindëse dhe të pa kontestueshme, të cilat në rastin konkret mungojnë.

Për arsyet e theksuara më lartë e në kuptim të neneve 115 paragrafi 1, 117 dhe 118 paragrafi 1 të LZP-së, paneli, vendosi si në dispozitiv të këtij vendimi.

Paneli Zgjedhor për Ankesa dhe Parashtrësia

Anr.1018/2021 më datë 07.11.2021



Këshilla Juridike: Kundër këtij vendimi është e lejuar ankesa sipas nenit 118 par.4 të LZP-së, në Gjykatën Supreme të Kosovës, brenda njëzetekatër (24) orëve nga momenti i marrjes-pranimit të këtij vendimi.